

丞上馬。丞上馬。則賊已刃尾之。館人乃直前手搏賊。連中數槍。手不舍。竟死。丞以間得逸去。余使三輔。遇韓戶部叔陽。亦稱其館人云。始韓以金華令入覲。過淮陰。改陸車。麟麟從冰上行也。已冰薄。車破之。韓與館人俱溺。焉。館人急持韓衣。裾不置。會傍有施繩。鈎下救者。縉且及館人。號曰。左被髮而溷。為令救。令有重賞。救者乃移縉鈎。令起。宛轉間。竟失館人。弗及矣。余聞而悲其事。問二人姓名。俱不得。以為恨於乎。士居平誦說詩書。信眉目。掀鼻昂頰。鼓掌稱仗節者。何限。一日事起。而抱首鼠竄相接也。恩至則許人以死。過則倍之。非其初許謬也。亦死生之際深矣。夫二館人。鄙人耳。豈有師友講議之素。其死亦豈遂以是為名哉。倉卒顛沛之際。達其一念所不容已者而已。夫達其所不容已。而其究乃竟有所濟。則不為徒死哉。

書應生事

王世貞

仲芳既已杖朝堂。則從四期門。鳴夷裏來。血涿涿下也。吏士目攝。亡得問。誰何。諸稍熟仲芳者。揜鼻自引。匿去。而故下獄。尚書當仲芳迷罔不道死。尚書坐輕贖矣。曹

郎坐亡奉行。謫矣。獄吏一二。緣大臣指。謾罵曰。嘻。而不治職方氏。即為迺公治鬼室。仲芳所止獄舍卑甚。又久雨。蛙黽分枕席。而臥久之。應生乃當視獄。從血肉中辨仲芳。別築室。醫藥勞問。相踵。始仲芳以杖瘡甚。左腳短三寸。印印距虛然。病大汗小愈。已得改室燥。遂愈。王侍郎者。吉人。不欲言其名。與大臣有連。微聞之。悲。謂何用我為。且纍之。詈元宰。若詈敵。奈何。即不遽令苦地下。亦令苦地上。而更相席哉。風尚書求其主。尚書心知為應生也。難之。或謂生且遜。謝亡有生。喟然曰。夫夫也。豈其以余非人者。益且夕候。仲芳自如。移年期滿。當請報。生走尚書所。絮語。公力爭之。可得也。毋令天下有以詈廷尉絮法。日數反。尚書熟計。主上自管三尺。一旦爭不勝。而且謂我速死者。謝應生。第待之。生退。欲自具草。救亦竟念其事。乃已。語余。天其殆者。私仲芳。不爾。左腳亡。遂短。而大臣畏搖。衆詭云。吾不敢以身益主。上過。母恐。然飛語上矣。報論死。仲芳且死。屬家人藏。余血三歲。而碧者。即地下。必有以報應生。

雜記

申時行

萬曆丁亥秋。江南稍熟。臨穫時。淋淫不止。漕船蟻集。水次。使者刻期督趨。民輸輓倉卒。米皆溼潤。已入艘。經月。管倉部臣不肯受輸。欲却回抵。易漕卒淘淘。余謂石司徒。江南歲輸。止有此數。無可易者。勢必責民間賠補。是一歲而責兩歲之輸。民力何堪。恐急則生變矣。以愚論。當權宜措畫。往時漕糧入倉。京師十七通州十三。恐京軍以米色惡。諱不可制。宜小為變通。以十三輸京師。餘皆流之通倉可也。故事。出放以厥經。為次第。今歲稍更。月日。則不可復食。強授之。恐生他端。不若隨到隨發。厥經。且可勿拘。令下。諸軍猶有難色。司徒急索釜餼。對衆炊飯。皆可食。諸軍以次支給。寂無譁者。是舉也。江南免責償之苦。國儲不至朽腐。軍不至鼓譟。處置似為得宜。未可與拘方者道也。

成大姓。應龍心惡之。既襲職。皆擯不用。更虐使之。或加誅戮。七姓咸怨。率逃入五司中。五司故隸播州。而諸長官怨應龍特甚。七姓者。復從中德惠。乃數奏應龍罪惡。部覆行兩臺會勘。兩臺所委府佐。及兩司首領。皆以上官為奇貨。多所需索。數以計困之。嘗期以某日入境。候勘。應龍如期至。委官故遷延不行。度應龍且去。則猝至。以跋扈不服罪之。必得重賂乃已。以故應龍每赴勘。若就刑。慘然兩省有微調。朝奉檄而夕發兵。毋敢後時。未有不臣之迹也。時貴州撫臣喜事者。入五司。庸愬欲用兵。偕按臣以疏請。余力止之。謂應龍雖殘虐。但行於所部。未有逆節於朝廷。祖宗朝從來羈縻。不以漢法治也。部中遂寢其奏。久之。蜀撫以他事檄召應龍。下之獄。獄吏卒備加窘辱。取索不訾。應龍大恚恨。會東征事起。石司馬請釋應龍。令帥所部兵立功自贖。既而罷之。撫臣復召應龍就獄。辭不至。乃遣兵深入逮捕。應龍據險拒敵。殺傷官兵甚衆。尋攻破綦江。勢甚猖獗。詔發三省兵。及調旁近土司討之。復添設撫臣。開府辰沅。加蜀撫總督軍務。踰年。遂平播州。設遵義府。然三省財力。耗費以